

He

8185

207 21 233.

9/12

~~C7941~~

Uc 8185

80

std0015344



Biblioteka Jagiellońska

Uc 8185

R E R V M

AB ILLVSTRISSIMO PRINCI-
PE CHRISTOPHORO RADI-
VILO, BIRZARVM ET DVBIN-
CORVM DVCE, PALATINO
VILNENSI, EXERCITVVM
MAGNI DVCAT. LITVANIÆ
PRÆFECTO GENERALI, &c.
PRÆCLARE GESTARVM
EPITOME.

CONSCRIPTA

SVE EIVSDEM PRINCIPIS EXEQVIAS
A

SOLOMONE RYSINIO.

ACCESSIT

VARIORVM MONVMENTORVM
DECAS.

EODEM AVCTORE.

LYBECÆ AD CHRONVM,
IN OFFICINA PETRI BLASTI.
AN. DN. M. DC. XIV.

IN AQVILAM RADIVILIAM SVBINDE
SESE PRÆCLARA SOBOLE REDINTEGRANTEM



Quid nimirum iactas radiantes India permas
Alis, ex busto que rediitua venit?
Hoc tibi concedit micis clementia cœli,
Et Phœbi indulgens donat habere calor.
Quin mage subiectam mirare trionibus oram,
Asspera quam multo frigore torret hyems?
Hic aquilas, aquile vitali lumine casse,
Restituunt patrio pignora grata solo.
Nonne renascens cineres post fulget in orbe,
Iamq; imago sue Christophorusq; Aquile?

VH5 1162276

ILLVSTRISSIMIS
SACRI ROM. IMP.
PRINCIPIBVS
DN. IANVSSIO, ET
DN. CHRISTOPHORO
RADZIVILIIS
FRATRIBVS GERM.
BIRZARVM ET DVINCORVM
DVCIBVS IN LITVANIA, &c.
DNIS CLEMENTISS.

QUAE sub Exequias Illustrissimi Principis Pa-
rentis Vestri, omnium memoria dignissimi
scripsi, ea, Principes Illustrissimi, vobis inscripta,
publici iuris facere animus est. Non ut vulnus,
quod cicatricem ducit, aperiam, aut memoriam Prin-
cipis de vobis filiis, de nobis clientibus, de charis a-
micis, de tota deniq; patria optime meriti, apud vos
refricare velim: Viget siquidem illa, vigebitq; perpe-
tuo, cum apud vos, tum apud nos, tum vero apud
patriam hisce perturbatis temporibus maximè: sed
ut id etiam exteri, si fortè hæc nostra in manus ipso-
rum peruentura sunt, agnoscant, quod Patria, quod
Liberi, quod Amici, quod deniq; clientes agnoscunt.

A ij

Agno-

Agnoscent verò? imò se serò agnouisse, ex animo dolent. Ac dolor hic quidem, vel longinquitate temporis, vel certè dolentium mortibus, fortasse morietur: Ceterum apud patriam, prout tempora minantur, subinde recrudescet, atq; repullulabit. Quis est namq;, qui ægram consiliis firmet? quis est, qui labascenti manum supponat? quis est, qui Libertatis oppressores excutiat? quis est, qui hostem trans Rubonem reprimat? quis est, qui parietes ad Boristhenem fumigantes extinguat? nisi tu DEVS, virum aliquem dederis, sumus Troës! Verùm quò rapior? nonne hoc est dolorem refricare, atq; adeò augere? quod tamen negabam me facturum ab initio. Itaq; finio et sileo. Vos interea, Illustrissimi Principes, viuite et regite felices: atq; per hanc regiam virtutum Parentis viam egregiè grassamini. Vilnæ
IX. Eid. VITIL. Anno clc. lsc. iv.

Illustriss. Cels. Vestris

ad dictissimus

SOLOMO RYSINIVS.

EPITOME RERV
AB ILLUSTRISSIMO PRIN-
CIPE CHRISTOPHORO RADIVIL-
LIO PRÆCLARE GESTARVM.

Christophorus Radziuil Dux Birzarum & Dubincorum Palatinus Vilnensis, Exercituum Magni Ducatus Lituaniæ Præfectus Generalis, Solensis, Vrzendouiensis, Kokenhausensis &c. Capitaneus, natus Anno Domini M. D. XLVII. IX. Febr. Patre Ill.^{mo} Principe Nicolao Radziuil Duce Birzarum & Dubincorum, Palatino Vilnensi, Exercituumq; M. D. Litu. Præfecto Generali &c. Matre verò Illustri & Generosa foemina Catharina Iwinskia: cum vix ex Ephebis excessisset, primum animi & ingenij militaris tyrocinium exhibuit in eo prælio, quod in campis Iwanensibus ad Vlam flu. à patre ipsius contra Moschos felicissime anno Dñi M. D. LXIV. XXVI. Ian: gestum est. Quæ industria & ad rem bellicam indoles, postquam vnà cum ætate in ipso adoleuissent, à Sigismundo Augusto Rege Poloniæ Pocillatoria & Campiductoria dignitate Anno Dñi M. D. LXXI. ornatus est. Eius muneris non temerè à se suscepti, cum sæpè aliàs, tum maxime in expugnatione Kirempesij, castri Liuonici, à Moschis tormentis & militib. oppidò instructi, Anno Dñi M. D. LXXIX. XI. Febr. egregiam laudem adeptus est. Vnde Dorpatum exi-

A iij

gua

gua manu militum profectus, Moscorum & Tattarorum coniunctas claufasq; in ciuitate Dorpatensi copias intrepidè prouocauit, procurrentesq; extrà moenia fortiter profligauit, atq; rursus sese intra muros ciuitatis recipere coegit. Inde magna parte Liunionæ è Moscorum manibus erepta, multisq; nobilioribus captiuis secum abductis, incolumis in Lituaniam redijt. Mox eodem anno, cum Stephanus Rex Poloniæ expeditionem in Moschos adornaret, Princeps hic cum Lituanico milite præmissus, Polotiam amplissimam & populosissimam urbem primus circumfedit. Hinc Sokoliam castrum munitissimum ad pertentandas hostium vires, quorum circiter sedecim millia propugnandæ Polotiæ causa duce Seremeto contendebant, cum duobus hominum millibus ablegatus, commissis aliquot velitationibus, magnam hostium manum prostravit, non paucisq; captiuis correptis, ad Regem sub Polotia in castris commorantem reuersus est. Neq; verò ob tantas virtutes tamq; res bene & feliciter gestas, à summo Heròe, & militarium ingeniorum egregio censore Rege Stephano, indonatus abiuit. Verum pro duplici facinore, duplici quoq; honore affectus: collato scilicet in ipsum sigillo minori, siue Vicecancellariatu, vt vocant, Lituaniæ, & Castellatu Trocensi. Non minori animo, nec minori fortuna anno sequenti ad Wielikolukos rem gessit. Siquidem plurimis Moschorum fufis fugatisq;, nonnullis etiam captis, atq; excursionibus præfidiariorum cohibitis, iter subsequenteribus

Regijs

Regijs copijs muniuit. Iam verò An M. D. LXXXI. Stephano Rege Plefcouiæ oppugnationem moliente, cum mediocri manu militum intrà fines Moschouiæ ad distinendum hostem præmissus, crebris prælijs diuersis in locis commissis, quam plurimos mortalium cecidit, non paucos ex præstantioribus cepit: deniq; multis villis, oppidis atq; ciuitatibus expugnatis direptisq;, & agro hostili ad CCC. M. P. igni ferroq; deuastato, Volgaq; siue Rha nobilissimo fl. superato, vbi nullum hætenus à milite Sarmatico vestigiū fuit impressum, Tyrannū ipsum Moscouiæ, terrorem quondam orbis Christiani, Staritiā, vbi tum temporis cum XX. millib. Tattarorum delitescibat, expulit & in fugam comiecit. Postremò insigni præda & non exiguo captiuorum oneratus numero, paucissimis suorum amissis, redux ac victor ad Regem in castris sub Plefcouia perdurantem peruenit. Secuta est deinde mors Illustrissimi Principis parentis illius: cui hic, quemadmodum in rerum præclarè ab ipso gestarum gloria, ita in vtroq; munere successit. Nam & Palatinus Vilnensis & Exercituum supremus Dux ab eodem Rege Stephano, meritorum Principis in se & in Remp. facile memore, summo cum omniū applausu factus est. Ceterum Stephano Rege è viuis sublato, cum Procures Regni Poloniæ & Magni Duc: Lituaniæ in diuersa studia diuersasq; sententias in eligendo nouo Rege traherentur, Princeps hic nullis partium illecebris ac pollicitationibus abductus, saluberrimis suis consilijs paci & incolumitati publicæ, diligenter studuit. Post anno

Dñi M. D. LXXXIX. Sigismundum III. Regem Po-
loniæ Reualiam in Estoniam secutus, nullis sumpti-
bus, nullisq; laboribus pepercit, in omnibus ijs perfici-
endis, quæcunq; ad conseruandam patriam, & ornan-
dam atq; augendam Regiam dignitatem spectare vi-
debatur. Sed neq; ingrauescēte ætate, emarcuit in ipso
vigor ille militaris, & inuicta animi in propulsandis pa-
triæ periculis magnitudo. Nam cum anno Dñi M. DC.
bellum in Liuania exarsisset, memor muneris sui, & re-
rum à se feliciter adhuc gestarum, nihil prætermisit,
quod ad reprimendum & eijciendum ex Liuania ho-
stem pertinebat. Primum enim nonnullis ex Præfectis
militum, vna cum filio suo natu maiore Illustris. Prin-
cipe IANVSIO RADZIWIŁ præmissis, conatus hostiles
vehementer retudit. Paulò verò post ipse met cum ad-
uolasset, infinitam hostium cateruam ad Kokenhausiū
XXIV. Iun. Anno Dñi M. DCI. superiorum temporū
fortuna vsus, prostrauit & profligauit. Tandem præ-
stantis. Heros, hac quasi Coronide, præclaris suis ope-
ribus imposita, priuatorū negotiorum mole urgente, in
Lituaniam retractus est. In qua non multo post exacto tē-
pore, vitam felicissimè & honestissimè transactā, cum
placidissima & beatissima morte, anno Dñi M. DC. III.
XX. Nouembr. Lososinæ in tractu Slonymensi com-
mutauit.

V I X.

A.	LVI.
M.	IX.
D.	XI.

KIREMPESIVM.

Dum ferus oppressos populatur Mosca Liuones,
Et viduata feris ignibus arua premit.
Sanguine mortali rubuere fluenta Rubonis:
Tunc dictus vero nomine Duna Rubo.
Torsit idem fatum Beccum, Naruamq; sonorum,
Concolor his etiam Garvia lentus erat.
Quocunq; aspiceres, lethum luctumq; videres,
Flet genitrix sobolem, fletq; marita virum.
Nec tamen his duris satiata est ira Tyranni,
Permiscet sæuis impia facta dolis.
Quicquid erat reliquum, crudelem absumere flamma
Imperat, et rabie pascitur vlg; sua.
Famq; potens voti, Birzas accedere tentat,
Et superare undas Duna superbe tuas.
Non tulit hunc hostis ultra se ire furorem
Raduius, Litauum Duxq; decuq; soli.
Sed lectos iuuenes fulgentibus implicat armis,
Et iubet admissis subdere calcar equis.
At cita turba Lucis prorumpit fulminis instar,
Et mittit letho corpora multa virum.
Imminet ipse Heros, animis inuictus et armis:
Hos necat, ast illos vincla subire iubet.
Mox reliqui fugiunt, et septa latentia quærunt;
Pars densas syluas, pars fera lustra petunt.
Certa manus fugiens intrat Kirmpesia claustra,
Atq; Arcis trepidans interiora subit.

B

Castrum

*Castrum erat ingenti, et præ duro robore structum,
Ex viridi circum cespite murus erat.*

*Moscae sulphureo Lituanos fulmine terrent,
Eicit et densos machina crebra globos.*

*At Lituana manus feruente celeusmate mota,
(Nil valli, et duri roboris obstat opus)*

*Accurrunt, scalas portantes atq; dolabras,
Et celeres subter feruida tela volant.*

*Mox ilex antiqua ruit, crebrâ icta securi,
Fortia portarum nil tabulata iuuant.*

*Arx capitur, capitur Moscarum clara propago;
Cum senibus iuvenes, cum Ducibusq; viri.*

*Ecce Palatini duo producuntur in auro,
Et gemmis, opulens præda futura Duci.*

*Tandem militibus tribuit Dux præmia lauta,
Et remeat patriæ latus in arua suæ.*

STARICIA.

*Q*uid toties victæ, et toties pulsate resistis,
Mosca ferox? latebras querere jure potes.

*Armis exutum te læta Liuania vidit:
Vidit, et oltrices poscere visa Deæ.*

Fortia tergeminae amisisti castra Polotæ:

Ad Socolam perijt flosq; decusq; virum.

Deuastata vides, exustaq; Maxima-prata:

Abnegat imperium Lielscia terra tuum.

Non

*Non te Staricij tutum, non flumina Volgæ,
Vix facere incolumem Candida - stagna valent.*

*Deseris uxores, et pignora cara relinquis,
Ingenti gazâ scrinia plena manent.*

*Non te consilium prudens, non cura senatus,
Non retinent Scythicæ millia multa manus.*

*Barbare sive pedem: te maximus horruit orbis:
Nunc fugis, et pateris terga inhonesta premi.*

*Quis te perdomuit? quis relinquere castra coëgit?
Quis vitam in pedibus te posuisse jubet?*

*Scilicet in patris insignis, et optimus armis
Ratiuius, Litaulim Duxq; paterq; gregis.*

*Annæ negas? nulla potes id ratione negare:
Testamur Gentis cantica nota tuæ.*

REVALIA.

*E*cce Sigismundus Lachy laus inclyta regni,
En Ianus Thules pulcra corona suæ:

*Conueniunt, cupiuntq; simul coniungere dextras,
Hic ubi Finnonius Reuela gaudet aquis.*

*O quales voces audisses, gaudia quanta,
Dum ruit hic Nati, Patris in ille sinum!*

*Hic regno assitus, Matris spes unica quondam,
Sarmatiæ pulcrum Rex diadema gerit.*

*Ille per innumeros casus sublimia tandem
Sceptra capit regni, Suedica terra, tui.*

B ij

Sarmatico

Sarmatico Regi comitem se junxerat Heros
 Raduilius, Litau gloria magna soli.
 O quales illi phaleræ! quis cultus equorum!
 Quale decus iuuenum! quale virumq; fuit!
 Non illis sese Sueci coniungere tentant,
 Semibomines illos, semideosq; rati.
 Ipse pater Ianus stupuit, stupuere Dynastæ,
 Aulæ splendorem Dux Raduile tuæ.
 Tantus honos illis armorum, gloria tanta
 Martigeni vultus, Martigenæq; manus.
 Regibus at postquam visum est discedere, Ianus
 Ampla Finnonias lentre secabat aquas.
 Arua Sigismundus Litauum regressus adibat,
 Officio Regem concomitante Ducis.

KOKENHAUSIVM.

Quæ sitis ista tuum pectus pertentat habendi,
 Carole, Nericijs non satiate bonis?
 Te Patrum voluit moderamina fida tenere,
 In patrijs regnis Rexq; Neposq; tuus.
 Ergo te decuit mandato munere jungi,
 Et decuit titulis abstinuisse nouis.
 Sed male-sana iubet tentare aliena Cupido,
 Quæ maris et terræ nescit habere modum.
 Nec sat habes prauè commissas flectere habenas,
 Nè prius aduicias perfidiae arma tuæ.

Armis

Armis Ingeuones, armis tentare Liuones,
 Et Litauos armis sollicitare cupis.
 Ebrius insultas fortuna præcoce cunctis:
 Corripis iniusta plurima castra manu.
 Non exultabis, nec diu letabere præda:
 Nam tibi raptæ alys eripientur opes.
 Vltor adest Deus, vltor adest Raduilius in armis:
 Isti animi frangent impia vota tui.
 Cernis, ut in campis exultet læta iuuentus,
 Dunc ubi gemmiferas Persia miscet aquas.
 Illa tui robur prosterret militis, ipsum
 Ductorem in turpem coniicietq; fugam.
 Verus eram vates: viden' ut Raduilius in armis
 Fulminet, et stygijs munera mittat aquis?
 Nil tua quod proles, nil quod cognominis esset,
 Nil equitum, ac peditum millia multa iuant.
 Heu, quantum Sueci Lituanus sanguinis ensis
 Haussit! quot gelidæ corpora missa neci!
 Persia sanguineas, quis non miserabile dicat?
 Dunc indignanti reddere visus aquas.
 Testis virtutis Litauæ Kokenhausia rupes,
 Testis et opprobrij Karolisone tui.
 Scilicet amplexa est alis Victoria lætis,
 Raduiliūq; Ducem, Raduiliūq; manum.
 At te, qui pedicas Litauis, manicasq; parabas,
 Dedecus æternum iussit habere Deus.

B iij

HACTE.

HACTENVS
EPITOME RERVM GESTARVM.
SEQVNTVR
EXEQVIALIA MONVMENTA
EIDEM PRINCIPI SCRIPTA.

AD TRISTISSIMVM NVNTIVM
DE MORTE ILLV-
STRISS. PRINCIPIS HEI-
DELBERGAM ALLATVM.
ΑΤΤΟΣΧΕΔΙΩΣ.

DVm parat in Patriam reditum, iungitq; iugales,
Christophorus Patriæ Duxq; decusq; suæ,
Vana Superstitio crispas laniata capillos
Ingemit, & Mortem supplice voce rogat.
Aut truncum, soror, aut ramum succide nocentem:
Namq; ab utroq; mihi bella parantur, ait.
Excipit hæc auida Mors nescia flester aure,
Infligitq; ferox vulnus utriq; graue.
Et rapit hinc Patrem, hinc Natum implet luctib', vnde
Mors ridet, ridet vana Superstitio.
Frustra ridetis: nec Natum frangere luctus,
Nec Nomen poterit Mors abolere Patris.

INSCRI

INSCRIPTIO LABARI.

Blrzarum Princeps, quem quondam maxima vidit
Vilna Palatinum, Litauorum Ducior in armis,
Christophorus Radiuil, tumulo requiescit in isto.
Qualis Dux fuerit, quali & virtute decorus,
Si non displiceat paulum subsistere, nosces.
Sincere coluit, quoscunq; agnouit amicos.
Cum Bellona suos ipsum raptaret ad vsus,
Regibus & patriæ studiumq; fidemq; probauit.
In cuius castris, rigidis nondum utilis armis,
Sub Patris imperio iuuenis præludia fecit.
Post, quod mirere, abs ipsis iuuenilibus annis,
Ad capitis canos, adq; vltima limina vitæ,
In bello constans ipsum fortuna secuta est.
Nam sub Iustitiæ, & Diuini numinis alis,
Nec cladem infaustam perpeffus ab hoste, nec vnquā
Commiffas belli infelix tractauit habenas.

ILLATVS CRYPTÆ TEMPLI VI-
ZVNENSIS VI. EID. APRIL,
A. D. M. DC. IV.

INSCRI

INSCRIPTIO TABVLÆ ARGENTÆ.

CONDITVM EST IN HAC TVMBA CORPVS
ILLVSTRISS. PRINCIPIS CHRISTOPHORI
RADZIVILII, DVCIS IN BIRZE ET DVBINKI,
PALATINI VILNENSIS, EXERCITVVM IN M. D. L.
PRÆFECTI GENERALIS, SOLECEŅ. VRZEN-
DOVIEŅ. KOKENHAVSEŅ. ETC. CAPITANEL.
QVI QVAMDIV VIXIT, SEMPER, ERGA AMI-
COS ET VICINOS INTEGERRIMVS, ERGA A-
MVLOS ET INIMICOS PATIENTISS. PATRIÆ
AMANTISS. REGVM OBSERVANTISS. PACIS
ET QUIETIS PVBL. STUDIOSSISS. LEGVM ET
LIBERTATIS PROPVGNATOR ACERRIMVS,
HOSTIVM VICTOR ET PROPVLSATOR FELI-
CISS. EXTITIT. NATVS ANNO M. D. XLVTE
FEBR. IX. DENATVS VERO ANNO M. DC. III.
NOVEMBR. XX. CVI TANQVAM PARENTI
MERITISSIMO, IANVSSIVS EX CATHARINA
PRINCIPE OSTROGIA, ET CHRISTOPHORVS
EX CATHARINA COMITE TENCZYNIA, RE-
LICTA OLIM DVCIS SEVCIÆ VIDVA,
FILII MOESTISSIMI

H. M. PP.



In

In frontispicio Monumenti.

PERPETVITATI

INCLYTI ET PRÆSTANTISS. SACR. ROM.
IMP. PRINCIPIS CHRISTOPHORI RADZIVI-
LII DVCIS BIRZARVM ET DVBINCORVM, PA-
LATINI VILNEŅ. EXERCITVVM IN M. D. L.
PRÆFECTI GENERALIS, ETC. QVI POSTQVAM

IN AVLA

SPLENDIDE ET CVM DIGNITATE, QVA INCI-
SOR ET POCILLATOR VERSATVS ESSET
IN REPVB.

HONORES AMPLISSIMOS, QVA VICECANCELL-
LARIVS, CASTELLANVS ET PALATINVS GESSISSET
IN BELLO

HOSTES, QVA CAMPIDVCTOR PRIMVM, POST IMPERA-
TOR, MOSCHOS QVIDEM SEDIBVS PROPRIIS, VNA CVM
MAGNO IPSORVM DVCE INTRAEPIDE PEPVLISSET: SVE-
COS VERO, MAGNA PARTE LIVONIÆ EREPTA, STRENV-
E REPRESSISSET ET PROFLIGASSET

DOMI SVÆ

DITIONES PRVDENTISSIME AC IVSTISSIME QVA
PATERFAMILIAS ADMINISTRASSET
QVADRVPLICI CONIVGIO FELIX,
TRIVM LIBERORVM SUPERSTITVM PARENS.
IVSTVS, FORTIS, PATIENS.
MISERICORS, SINCERVS, AFFABILIS,
SEX ET QVINQVAGINTA
EXACTIS ETATIS SVÆ ANNIS,

TANDEM

HOC IN MONVMENTO,
QVIEVIT.

C

In auersa parte Monumenti.



DIALOGVS HOSPITIS ET MVSÆ.

- H. Dic mihi, Mula, quibus decoratus moribus Heros:
Et quibus instructus dotibus iste fuit ?
M. Aspice quadrifidum volitanti in pectore stemma,
Qualibus inuenies fulserit ille notis.
H. Cur sese imprimis obiectat buccina triplex ?
M. Nota domi & belli buccina bina fuit:
Extremam sensit duris Ecclesia rebus:
Terruit hæc ternos buccina terna viros.
H. Cur ratis immensis hûc illûc fluctuat undis ?
M. Nutantem patriam flectere doctus erat.
H. Manibus in cellis cur celsæ, dicito, turres ?
M. Summus erat gentis murus apexq; suæ.
H. Quare expers animal fellis sub naue moratur ?
M. Candidus & patiens semper vt agnus erat.
H. Cur Aquila hæc secum præcella in nubila portat ?
M. Vt venêre polo, sic rediêre polum.

VARIORVM
MONVMENTORVM
DECAS.

MONVMENTVM PRIMVM

MEMORIAE

ILLVSTRISSIMI DVBINCORVM
ET BIRZARVM PRINCIPIS GE-
ORGII RADZIVILLI, CASTEL-
LANI TROCENSIS, ETC.

D. O. M. S.

MONVMENTVM QVOD CERNIS,
CLAVSV TENET CORPVS ILLVSTRISSI-
MI SAC. ROM. IMP. PRINCIPIS DN. GE-
ORGII RADZIWIE DVBINCORVM AC BIR-
ZARVM DVCIS, CASTELLANI TROCENSIS,
CAPITANEI MOZYRIENSIS, &C. NATVS IS
PATRE NICOLAO RADZIWIE DVBINCO-
RV AC BIRZARVM DVCE, PALATINO
NOVOGRODIENSI, &C. MATRE PRAELVSTRI
FOEMINA HELENA HLEBOVICIA ANNO
DN. M. D. LXXIIX. POSTRID. ID. DE-
CEMBR. POSTQVAM EX EPHEBIS EXCES-
SISSET, ELEGANTIORIBVS LITERIS INSI-
GNITER EXCVLTVS, MAGNA GERMANIAE
PARTE NON SINE FRVCTV PERLVSTRA-
TA, MAXIMA OMNIVM CVM EXPECTATI-
ONE, PATRIAE VERO MAXIME, VLYSSEA
PLANE PRVDENTIA, SVpra AETATEM IN-
STRV-

STRUCTVS, CVM REDIISET, VIX TER-
 TIO CLIMACTERICO ANNORVM VITALIVM
 COMPLETO, IN ORDINEM SENATORIVM
 A SERENISSIMO PRINCIPE, SIGISMUNDO
 III. REGE POLONIE ALLECTVS, ET CA-
 STELLANATV TROCORVM ORNATVS, OF-
 FICIUM MVNERIS SVI, SVMMAMVLTO-
 RV M ADMIRATIONE PLVS VICE SIMPLICI
 PERFVNCTVS, RELIQVAM ÆTATIS, HEV
 BREVIS! SORTEM, PACIS ET TRANQVIL-
 LITATIS PVB. NEC NON RELIGIONIS STV-
 DIIS ADDICTVS CONFECIT. MORTVVS
 ZYRMONIS, VBI ET VITALES PRIMVM
 HAVSERAT AVRAS, AN. DN. M. DC. XIII.
 IDIB. FEBR. RELICTA IN SVMMA ORBI-
 TATE ILLVSTRI MATRONA, CONSORTE
 VITÆ FIDISSIMA, SOPHIA ZBOROVA, CVM
 QVA AN. XI. MEN. IV. DIES XXIIIX.
 CONIVNCTISSIME VIXIT, PROLESQVE EX
 EA, QVATERNAM MASCVLAM, VNAM FOE-
 MINEAM, NEC TAMEN LONGVM SVPER-
 STITES, Ô PARCARVM MALIGNITATEM!
 SVSCEPIT.



LESSVS

LESSVS.

Siccine te Princeps, Superis dilecte, Georgi,
 A nostris oculis Mors inopina rapit!
 Siccine spem præter vis Fratrum rodere pectus
 Tristitiam, & falsas fundere lumen aquas!
 Siccine sunt curæ tristissima corda sororum,
 Corda habitu propere dilaniata tuo!
 Siccine consortis fideissima pectora vitæ
 Deseris in viduo mœsta repente thoro!
 Heu deuota Deo Mens, heu deuota sacriscq;
 Cur properas luctu sollicitare tuos?
 In nos Riphæis hostis dum fulminat oris,
 Promptior & iaculis dum quatit arma Scythes,
 Dum timet in patrios non ignem ferre penates,
 Miles Hamaxobiis heu male pastus equis.
 Foederis obliui, firmati foedere fratrum,
 Vastant Soteris dum fera turba casas.
 Atq; alij, quorum fida haud vicinia nobis,
 Ficta licet pacis fundere verba solent,
 At decuit patriæ collapsis turpiter ausis
 Auxiliatrices supposuisse manus,
 Et fulcire tuo solertia corda Senatus
 Consilio, & contra nitier arte dolos.
 Sed tu pertæsus, quam dat Respublica, curæ,
 Secura in cælis otia lætus agis.

Scilicet

Scilicet arrisit Superis, te Mortis adire
Limina, longæuos non recolendo dies.
Ne tua vexarent præcordia dura malorum,
Neu possent oculos excruciare tuos.
Ergo, qui sæuis iactamur in orbe procellis,
Felices cineres dicimus esse tuos.

INSCRIPTIO LABARI

GEORGIUS RADZIVIL DVBINCO-
RVM AC BIRZARVM DVX, CASTELLANVS TRO-
CORVM, MOZYRIENSIS ETC. CAPITANEVS,
XIII. FEBR. ZYRMONIS E VIVIS SVBLATVS,
XXV. IVN. HOC IN LOCO TVMVLO ILLATVS.
ANNO NAT. DNICÆ M. DC. XIII.
SVÆ XXXV.

Conditur heic ingens ingentis gloria Gentis,
Incluta Nicoleo nata propago Patre.
Nicoleo quoq; Auo, Proavi sed nomen adepta,
Nota solo quondam, nunc bene nota polo.
Virtutis mirere prius, num religionis?
Nec virtute minor, nec pietate fuit.
Sidera sub degens inter lunaria, semper
Nobile Raduclidum currere doctus iter.
Mors inhibet cursum: nam summo in flore iuuentæ,
Flos cadit en iuuenum, flos cadit ecce Virum.

INSCRI

INSCRIPTIO
TABULÆ ARGENTÆ.

SITVS HEIC
GEORGIUS RADZIVIL DVBINCO-
RVM ET BIRZARVM DVX, CASTELLANVS
TROCORVM, CAPITANEVS MOZYRIENSIS
ETC. PATRE ILLVSTRISSIMO PRINCIPE NI-
COLAO RADZIVIL PALATINO NOVOGRO-
DIENSI ETC. MATRE PRÆLVSTRI FOEMI-
NA HELENA HLEBOVICIA AN. DN. M. D.
LXXIIX. XIV. DECEMBR. ZYRMO-
NIS IN LVCEM EDITVS.

SI GENVS ET VITAM PORRO QVÆRAS,
VERE FVIT,
PRINCEPS IVVENTVTIS,
SENATORVM DECVS,
PROSAPIÆ ORNAMENTVM,
PATRIÆ EMOLVMENTVM.

D

AT,

AT, Ô FLUXAM MORTALIVM SORTEM!
VIX ADITVM VIRILIS INGRESSVS
ETATIS, CERVLI DIGNITATE ANNOS XII.
AVSPICATO FVNCTVS, CONNVBIALI THO-
RO TANTVMDDEM FERME TEMPORIS CON-
CORDITER FRVITVS, DVM CVRIS MORTA-
LIVM POSTERGATIS, OMNEM CVRAM CV-
RANDIS ECCLESJARVM CHRISTI VVLE-
RIBVS IMPENDIT, IMMORTALI ANIMO, QVO-
IAM PRIDEM COELVM ET COELESTIA SPI-
RABAT, E NATALI AVLA AD COELESTEM
EVOLAVIT, EXVVIASQVE MORTALI-
TATIS HOC IN SOLO PONI
VOLVIT.

VIX. AN. XXXIV. M. I.
D. XX.

POSITVS IN CRYPTA TEMPLI DO-
KVDОВIENSIS A. D. IIX. CAL. QVINCTIL.
AN. DN. M. DC. XIII.



MONV-

MONVMENTVM SECVNDVM.

MEMORIAE

ILLVSTRISSIMÆ PRINCIPIS
SOPHIÆ SLVCIADIS
RADIVILIAE, ETC.

D ij

CENOTA-

CENOTAPHIVM.

SVBSISTE HOSPES

QVISQVIS ES

ET VIDE

MINVTA, MAGNA, SVMMA, IMA.

INVENIES

ÆTERNVM SVB IOVE NIHIL,

IMO

MOMENTO TEMPORIS

MAXIMARVM RERVM MOMENTA

SVBVERTI, EVERTI.

RERVM VERO? QVIN ADEO

REGNORVM; POPVLORVM, FAMILIARVM

DENIQVE

SINGVLORVM HOMINVM,

QVA SECLVM, QVA SEXVM.

VEL NVPER

QVAM CITO SPEM PRÆTER CORREPTA SVB AXETRIQVVM

SIDERIS ARCTOI CASSIOPEA DECVS.

SOPHIA INQVAM OLELKOVICIA

GENVS ALTO A SANGVINE REGVM

MAGNORVMQVE LITVANIE DYNASTARVM

PROPAGO

ILLVSTRISSIMÆ SCILICET ET ANTIQVISSIMÆ

SLVCENSIVM DVCVM

PROSAPIÆ

VNICA ATQVE VLTIMA

HÆRES.

ILLV-

ILLVSTRISSIMI BIRZARVM

AC DVBINORVM PRINCIPIS

IN M. D. L. POCILLATORIS SVPREMI

IANVSSII RADIVILII

FIDISSIMA CONSORS:

MATRONARVM SVI SECVLI

S I

VIRTVTIS PRÆSTANTIAM

GENERIS EXCELLENTIAM

FORMÆ DIGNITATEM

FORTVNÆ SPLENDOREM

LYNCEVS SPECTES

FACILE PRINCEPS.

VTERO GRAVIS,

PVERPERIOQVE PROXIMA

INSPERATO OPPRESSA PAROXYSMO

PRÆMATVRE

HEV TENVE CLOTHVS FILVM!

MATVRO ET DV RATVRO

MOESTISSIMI CONIVGIS

CVM LVCTV

VIL ID. MART.

DENATA

ANNO

ÆRÆ CHRIST. clō. lōc. XII.

ÆTATIS SVÆ

CLIMACTERICI QVARTI

QVINCTO.

D iij


NÆNIA.

NÆNIA.

HEv certa incerti semper molimina Fati!
 Heu nulli expositum flebile mortis iter!
 Non genus & prauos, non fortia facta parentum,
 Non decus hæc gentis, sed neq̃ mentis amat.
 Non miratur opum cumulos, auricq̃ struices:
 Non curat Tyriæ mobile syrma togæ.
 Non florem ætatis, non tempora pulcra moratur,
 Non illam fleçit proxima forma Deæ.
 Flocci habet illustris socialia vincula tædæ,
 Ridet & orbatî tristia corda viri.
 Nec solum ridet crudelis, rodere pergit
 Semideûmq̃ arces, semihominumq̃ casus.
 Vel modo, quàm læto sonitu quatit improba terram,
 Raduiliq̃ ostentans rapta trophœa sinu!
 O felix animo, felix ô dotibus illis,
 Quas in sæmineo corpore Iuno fouet.
 Vnica Slucensi de sidere stella relicta,
 Inter Lituanas gloria prima nurus:
 Heroïna tuo magno haud minor ipsa marito,
 Quæ te de superis vis inopina rapit?
 Te decuit multos cum coniuge ducere soles,
 Sortiri decuit Nestoreosq̃ dies.

Te decu-

Te decuit census longum numerare paternos,
 Quêis iuuit socium participare virum.
 Et decuit pulcra facere illum prole parentem,
 Nec solum in vidua deseruisse domo.
 Nam si sollicito generis spes certa futuri
 Mansisset, quaterent tristia damna minus.
 Anxia nec gemino perculsus corda dolore,
 Irriguas lacrumis spargeret vsq̃ genas.
 Cœlo aliter visum: labentia sidera cœlo,
 Esse neget mirum quis, nisi mentis inops?
 Incumbunt radijs trepidanti, & luce corusca
 Extinguunt lucem matris, & embryonis.
 Tum fera crispando falcem mors infit acutam:
 Maior de subole, & matre triumphus erit.
 Ah fugitiua sile, mordacemq̃ abstine risum,
 Exuias geminas traxeris inde licet.
 Non te perpetuo risu indulgere licebit,
 Absterget vultus imbre madente Deus.
 Non fregere animos Herois densa virorum
 Agmina, non acies, ignea tela, minæ.
 Non serrati enses, non horrida spicula ferro,
 Non præsentem oculis Mors minitata necem.
 Non fregere illum morborum examina lætio:
 Num frangent luctus sors inimica thoro?
 Ergo dum vires it fractum Principis, atra
 In ventum vires dat Libitina suas.



MARMO

MARMORIS INSCRIPTIO.

ÆVITERNITATI S.
MAGNORVM LITVANIÆ DVCVM
SVRCVLO,

SEV VERIVS GEMMÆ,
SOPHIÆ OLELKOVICIÆ,
PATRE, AVO, PROAVO
GEORGIO,

APAVO SIMEONE, ATAVO MICHAËLE,
IN SLVCKO ET KOPYL DVCIBVS,
TRITAVO OLELKONE
VLADIMIRI KIOVIÆ DVCIS,
IAGELLONIS REGIS POLONIÆ FRATRIS,
FILIO.

OLGERDI MAGNI DVCIS LITVANIÆ
NEPOTE

GEDIMINI PRONEPOTE
VITENIS ARNEPOTE:

MATRE VERO BARBARA,
NICOLAI KISSCÆ

PALATINI PODLACHIÆ FILIA
SATÆ.

IANVS

IANVS RADZIVIL, DVBINCORVM
AC BIRZARVM IN SLVCKO ET KOPYL

DVX, MAGNI DVCAT. LIT. SVPRE-
MVS POCILLATOR, ETC.

MOESTISSIMVS CONIVX
CONIVGI DESIDERATISS.

FOEMINÆ ET GENVS ET FORMAM,

NEC NON VIRTVTVM,

ÆVO SVO CLARISSIMÆ
NON ABSQVE LACRVMIS

H. M. P.

VIX. AN. XXV. M. X. D. VI.

IN MATRIMONIO,

AN. XI. M. V. D. IIX.

OB. AN. DN. M. DC. XII.

MENS. MART. D. IX.

APPOSITA MAIORIBVS SVIS

SLVCIA IN MONASTERIO.

B. VIRGINIS CHRISTIPARÆ

A. D. VI. CAL. IVN.

AN. DN. M. DC. XII.



E

MONV-

MONUMENTVM TERTIVM.

MEMORIÆ

IANI RADIVILI, ETC.
INFANTIS LEPIDISSIMI.

MORTV-

MORTVORVM SVSCITATORI S.

ITE MORTALES

ET

THITONIOS VOBIS

MAGNA SPE EBRII

SPONDETE ANNOS.

ECCE

IANVS RADZIVIL

INFANS LEPIDISSIMVS

SPES GENTIS

COLVMEN FAMILIÆ

VOLVPTAS PARENTVM

VIX

IV. NON. OCTOBR. AN. CLD. ICG. IIX.

VITAM INGRESSVS.

MOX

IV. CAL. FEBR. AN. CLD. ICG. IX.

PROFECTVS R. VITA.

QVEM

GEORGIVS RADZIVIL DVBNICORVM ET BIRZARVM

DVX CASTELLANVS TROCENSIS, ETC.

B ■

SOPHIA DE ZBOROW RADZIVILIA ETC.

PARENTES,

TER ORBI, TER LACRYMOSI,

TERTIVM LIBITINÆ QVÆSTVM,

NON SINE QVÆSTV

H. N. PP.

B ij

TMV-

TVMVLVS.

N Vmquid in innocuas tantum scire laboras
 Parca animas, nullis parcere docta quidem?
 Tandem dis triplici spolio, triplicata facesse
 Turba, nec ulterius tristia fila seces.
 Sat terris, coelisq; datum: tria munera caelo,
 Et tria sunt gelido pignora missa solo.
 Clotho rapit primis soboles quae nata sub annis,
 Quaeq; maritalis testis amoris erat.
 Invidit Lachesis praedam furibunda sorori,
 Mox genitam immiti vulnere sternit humi.
 Atropos exanguis, quae legem sanguinis vllam
 Non tenet, en subito tertia dona rapit.
 Ah dilecte Deo, dilecte parentibus infans,
 Quo fugis? an rapidus flammae tecta petis?
 Nempe vocant te carae animae, fraterq; sororq;
 Quis iam colludis gratus in Arce Deum,

VIX. M. III. D. XXIV.



MONV-

MONVMENTVM QVARTVM.

MEMORIAE

NICOLAI RADZIVILI, ETC.
 INFANTIS DESIDERATISS.

Enj

SERVA-

SERVATORI S.

QVID NON MOBILE SVB COELO:

QVID NON MUTABILE SVB LVNA:

QVID NON MORTALE IN ORBE:

QVID NON CORRUPTIBILE IN TERRA:

VNUM EXTRA OMNIA NUMEN.

AT MORTALIUM QVIVIS ET VBIVIS

MOVEVR. MUTATVR. MORITVR. CORRVPITVR,

ILLE SENEX SIT, VIR, IUVENIS, PVER, ATQVE PVLLVS,

QUALIS. EHEV, NICOLEOS RADZIVIL HIC,

PRIMUM PARANTVM GAVDIVM,

PRIMUM CORDOLIVM.

POSTRID. EID. SEPTEMBR. AN. CLC. IOC. X. NATVS,

VI. CAL. MART. AN. SEQVENT. DENATVS.

QVEM EVITA INVITIS RAPTVM

CHRISTOPHORVS RADZIVIL DUX BIRZARVM

ET DVBINCORVM ETC.

ET

ANNA DE GENTE KISSCARVM RADZIVILIA ETC.

PARENTES MOESTI QVIBDEM

SED NON AMPLIVS INVITA

PRIMITIAS CHRISTO

RECEPIVR.

D. D. Q.

SPes Patris & Patriæ primum, & solatia Matris

Nicoleos infans, mox lacruma & gemitus:

Prima maritalis latissima pignora tædæ,

Hoc teneros artus condidit in tumulo.

Condite vos lacrimas vñâ, gemitusq; parentes:

Non sterili vobis semina iacta solo.

Ambiet ille olim vestra vlnis colla tenellis,

Rursus & in vestro gestiet ille sinu.

VIX. M. V. D. XII.

MONV

MONVMENTVM QVINCTVM

MEMORIAE

STANISLAI RADZIVILI ETC.

INFANTIS FESTIVISSIMI

NATV

NATURÆ INSTAVRATORI S.

QVÆ PROPAGINIS SPES

Ô HOSPEſ?

QVIS SOLATIO LOCVS,

POSTQVAM QVINCTVM DIVINÆ BENIGNITA-
TIS IN MATRIMONIO TESTEM, MALIGNVM
PARCARVM STAMEN EX SINU PARENTVM
ERIPVIT? ET TAMEN

GEORGIVS RADZIVIL DVBINCORVM AC BIR-
ZARVM DVX, CASTELLANVS TROCORVM, ETC.

ATQVE

SOPHIA DE ZBOROW RADIVILIA, ETC.

NEQVE COELESTIB. CONTRAVENIENTES NV-
TIB. NEQVE TOT FATIGATI LVCTIB. STANI-
SLAVM RADZIVIL FESTIVISS. INFANTVLVM
XXI. DEC. AN. M. DC. XI. IN LUCEM EDITVM,
BREVI POST XXVI. FEBR. AN. SEQ. ABS LVMI-
NIB. RAPTVM, MOERENTES QVIDEM, SED
MINIME MVRMVRANTES PARENTES, TV-
MVLO INFERRI VOLVERVNT.

R Aduſij Soboles, & quinctum nata propago,
Hæc præmaturo funere rapta iacet.
Tempus erat natis immixtos parcere Parcas,
Tempus erat rapidas abſtinuiſſe manus.
Sed quia ſic Superis viſum, haud inuita Parentum
Pectora, reliquias has quoq; dant Superis.
VIX. M. II. D. IV.

MONV

MONVMENTVM SEXTVM.

MEMORIAE

CATHARINÆ RADIVILIDIS, ETC.
INFANTIS BELLISSIMÆ.

F

SOTERI

SOTERIS.

CATHARINÆ RADIVILIDI

INFANTI MELLITISSIMÆ

NEC NON INSIGNES

QVA CORPVS, QVA ANIMVM

DOTES POLLICITÆ.

ANNI M. DC. VII. MENSIS VII. DIE IX.

VITAM ADEPTÆ,

NON MVLTQ POST

ANNI M. DC. IIX. MENS. PRIMI DIE XXIX

VITA FVNCTÆ

GEORGIVS RADZIVIL DVBINORVM ET

BIRZARVM DVX, CASTELLANVS

TROCORVM, ETC. AC

SOPHIA DE ZBOROW RADIVILIA, ETC.

PARENTES LVCTVOSISSIMI

H. M. PP.


VIta quid est? gelidæ trepida expectatio Mortis:

Mors autem? vitæ dulcis origo nouæ.

Dum moritur caris Catharina parentibus ergo,

Mox immortalis nascitur illa Deo.

VIX. M. VI. D. XX.



MONV-

MONVMENTVM SEPTIMVM.

MEMORIAE

VIRI CLARISSIMI
ANDREÆ VOLANI, ETC.

F ij

D.O.M.

D. O. M. S.

QVIN GRESSVS GLOMERARE PERGIS
O VIATOR

FIXVS IGNOTI TANQVAM
AD TVMVLVM LVMINA?

VOLANVS HIC ANDREAS SITVS.

SAT DIXI. ABI. HÆRES?

TIBIN' IGNOTVS,

TOTI EVROPÆ MAXIME COGNITVS?

VOLANVS INQVAM ARCTOI SIDVS ORBIS

CVI

MAGNA POLONIA ORTVM DEDIT

MAGNA LITVANIA HOSPITIVM EXHIBVIT

MAGNA GENS RADIVILIA DOMVM PRÆBVT

MAGNIS VERO INGENII PRÆSIDIIS SVFFVLTVM

R E X

SECRETIS CONSILIIIS ADMISIT.

R E S P V B L I C A

IN IVDICIIS REGIAS VICES OBIRE VOLVIT.

P A T R I A

IN COMITIIS GENERALIBVS LEGATVM AVDIVIT.

E C C L E S I A

SANCTARVM CONGREGATIONVM PRÆSIDEM SPECTAVIT.

Q V A M P R O P T E R

IN HOSTES LINGVAM ET CALAMVM

DEXTRO

DEXTRO SEMPER APOLLINE TORSIT,
TANDEM ÆTATE GRAVIS,

AT NVLLI, NISI IMPROBIS, GRAVIS,

LENITER IN SVO BIVTISCANO

VI. EID. IAN. AN.

DOMINICÆ NATIVITATIS. clō. lōc. x.

S V Æ. LXXX.

DECESSIT.

Ingenio, & magnis virtutibus orbe Volanus
Notus in Eoo, notus in Hesperio.

Dogmata Tarsensis surrecta dum bibit aure,

Romulidas pavit queis pius ille suos:

Spiritus incensus flamma flammantis Olympi,

In tenues auras tecta perosus abit.

Corporis exuijs tandem, sceletocq; relictis,

Deseruit cultam lustra bis octo specum.

Sancta Anima, in patrijs non partes Iudicis oris,

Non mage Legati strenua obibis opus.

Non secretorum celebrâbere conscia Regis,

Nec sacra Turba tuos audiet vlla sonos.

Non magis Ausonios rabulas, massæq; patronos,

Punges diuini cuspide prompta styli.

Isthic iam veneranda manes, altaria spectans,

Et brauium expectans vltimum ab ore Dei.

C O N D I T V S

IN SVO BIVTISCANO

A. D. XIV. CAL. MART. clō. lōc. x.

F. iij

MONV.

MONUMENTVM OCTAVVM.

MEMORIÆ

NOBILISSIMÆ MATRONÆ
BARBARÆ OSOLINIÆ ETC.

D. O. M.

D. O. M. S.

BARBARÆ OSOLINIÆ EX NOBILISSIMA STRZEOVIORVM ET SIENIENIORVM FAMILIA NATÆ, MATRONÆ INSIGNIB. MENTIS ET CORPORIS DOTIB. INSIGNI, AC PRÆCLARAS QVASQVE SVI SECVLI FOEMINAS FACILE ADÆQVANTI, NON PAVCAS ANTE-
EVNTI: QVÆ MARITI CARISSIMI VSV, VISQVE PER MORTEM ORBATA, POSTQVAM ANNORVM QVINQVE ET MENSIVM SEX SPATIVM HONESTISSIME

TRANSEGISSET,

DEO CARA,

COELITIBVS GRATA

AMICIS INVIDIOSA

LIBERIS DESIDERABILIS

AD SVPEROS COMMIGRAVIT.

LIBERI MOERENTES

PARENTI MERITISSIMÆ

H. M. PP.

VIX. AN. XLV.

OB. IV. ID. IVN. A. D. M. D. XCI.

VERBA

VERBA MORITVRÆ.

Iam mox percurreret sextum orbē Hyperione natus,
 Ut mea sunt viduo membra relicta thoro.
 Quanta mala exhausisse putas me tempore tanto,
 Quotq̃ cor arrosū sollicitudinibus?
 Orba domum fulcro orbatam dum sola laboro
 Fulcire, atq̃ æquis arbitrijs regere.
 Dum satago, ut nati castarum dia Dearum,
 Pallados atq̃ Aretes castra subire queant.
 Cura meum pectus quā multo exercuit ista
 Tempore! quā sumptus res tulit ista graues!
 Dum quæro natas vincolo vincire iugali,
 Quantus erat generos. repperisse labor!
 Has ego tot curas, & tot perpeſſa labores,
 Haud mœrore tamen libera corda gero.
 Nam venit en luctus, luctus qui prægrauat omnes,
 Furuaq̃ Persephones tecta subire iubet.
 Maximus è natis malesano percitus cestro,
 Deserit, heu, patrio sacra probata Deo.
 Deserit, heu, in qua est eductus, Religionem:
 Desero ego & terram, & terrea cuncta simul.

TVMVLATA NIESSOVIÆ

IN TERRA LVBLINENSI,

XII. CAL. QVINCTIL. clo. lo. xcl.

MONV.

MONVMENTVM NONVM.

MEMORIAE

CLARISSIMÆ FOEMINÆ
 ELISABETÆ TVRSCIÆ, ETC.

G

D. O. M. S.

D. O. M. S.

ELISABETÆ TVRSCIÆ, EX NOBILISSIMA STRZEOVIORVM ET SIENIENIORVM GENTE PROPECTÆ FOEMINÆ TAM ANIMVM

QVAM CORPVS INSIGNITER DOTATA;

QVÆ, QVAM DIX VIXIT

NVMINI

MARITO

FILIO

PRIVIGNO

DOMESTICIS

EXTERIS

QVA POTVIT

RELIGIOSAM REVERENTIAM

OBSEQUIOSVM AMOREM

SOLICITAM CHARITATEM

MATERNVM AFFECTVM

BLANDAM SEVERITATEM

OFFICIOSAM COMITATEM

EXHIBVIT.

MVLTAQVE DVPLICIVM TÆDARVM, ET COMPLEVRIVM MORBORVM MOLESTIAS AC

DIFFICVLTATES PATIENTER TVLIT:

CVM SVMMO BONORVM DESIDERIO,

MARITI VERO ET FILII VNICI

LVCTV, E VIVIS SVBLATÆ:

IOHAN.

IOHANNES TVRSCIVS CONIVX

CONIVGI

HIERONYMVVS CZYZOVIVS FILIVS

M A T R I

B M.

H. M. PP.

VIX. AN. XLII.

OB. CAL. MART. AN. DN.

clb. lb. xc.

VMBRA MORTVÆ.

Nunc in me, Morbi, vires conuortite vestras,
Nunc in me tua, Fors, projice tela ferox.

Dum vixi, potui Morborum frangere vires,

Et potui Fortem sustinuisse Deam.

Quid Morbi exanimæ, quid Fortis tela nocebunt,

Cui forte & præsens Mors tulit auxilium?

At te magna mei pars Fili, tecq; Marite,

Et fletu, & lacrumis abstinuisse decet.

Ne mihi præclaræ vos commoda munera sortis

Inuidisse mala quis male mente putet.

HVMATA NIEKRASOVIAE

IN TERRA SANDOMIRIENSI

XI. CAL. APRIL. clb. lb. xc.

G ij

MONV

MONVMENTVM DECIMVM.

MEMORIAE

PRÆSTANTISSIMÆ MULIERIS
REGINÆ BVCZYNIAE ETC.

D. O. M.

D. O. M. S.

REGINÆ BVCZYNIAE EX
NOBILISSIMA STRZEOVIORVM
ET SIENIENIORVM DOMO ORIVNDA, FOEMI-
NÆ QVA CORPORIS, QVA ANIMI DOTIBVS
ORNATISSIMÆ, QVÆ VIVENS

DEVM TIMVIT,

MARITVM COLVIT,

FAMILIÆ SEDVLAM CVRAM GESSIT,
CETERIS VERO, QVÆCVNQVE HOMINES BE-
NE, AVT DICERE POSSVNT, AVT FACERE,
DIXIT, ET FECIT: MAXIMO, CVM OMNI-
VM BONORVM, TVM MARITI PRÆ-
CIPVE, DOLORE ET MOERORE

EXTINCTA,

IOHANNES BVCZINIUS

MARITVS

CONIVGI,

B. M.

H. M. P.

VIX. AN. XLIX.

OB. CAL. OCTOB. AN. clō. lō. xic.

G iij

MARI-

MARITVS MARITÆ.

CVr linquens sobolem, mea lux, linquensq; maritū,
A nostris oculis te inuidiosa rapis?
Quod si te fletus possunt, lacrumæue morari,
Et nostris iterum reddere luminibus:
Non nos vel seclum fletu indulgere pigebit,
Et mœstam lacrumis excruciare animam.

MARITA MARITO.

QVò vestræ lacrumæ? quò fletus? nempe dolorum
Ad superos rediens vexer vt igne nouo?
Cura domus, prolisq; labor, gemitusq; mariti,
Hæc me de superum corripuere choro:
Et vos me lacrumis reuocari posse putatis?
Necquicquam: partâ malo quiete frui.

SEPVLTA BOBOVIÆ
IN PEDEMONTIO SARMATICO
XIV. CAL. NOVEMBR. M. D. LXXXIX.

MONVMENTA QVÆ VIDES

VARIIS IN LOCIS
DIVERSIS PERSONIS

A

SOLOMONE RYSINIO
POSITA




IMPRESSA SVNT
TYPIS PETRI BLASTI

LVBECK AD CHRONVM
IN LITVANIA

AN. DN. M. DC. XIV.

MENSE MAIO.



In finitima morte Marchonis diuini
in Gallia. Concini manibus
Aen labrum ante culmen
Hominem fortuna temere exultat. Tandem temere
perdunt
Opes minus ampla animo minus angusto
Nervum potius sui impotens
Cunctis maior suavitatum minor magnitudine
Felicitate domandi non diu tenent quod felicitate
seruilem tenetur
Principum amore civium odia meritis, vires non
metuens Regi metuentis
Cum videret universis nimis notus meritis et quibus
sibi
Viri sepulchrum mater ne quare
Necato, infantes disiecto, sepulchrum ad leuat
si quod sepeliretur non de fuisse
Concini tumulus
Cen veni vires Gallicum Scironum
Regno propinquum Regi proximum
Pauperis aut fatigata fortuna destituit
Principum invidiam victima auctatur

Ut sacer homo suginatus pulvis Gati
e. E. et

Ferris expertus male qui cupiunt aurum
Regni qui minus in partes seant mortuus sec
in fusta

Aquius an indarius

Dius sibi in clamatione plebs fuerit in
seut

Tracto discepto nullibi atq; ubiq; sepultus
Een qua dissimili exita claudite antea
fabula

O sermices o fata.

Ant. Polon
G. spei

